

200 stel Santo Anzolo, e concesso una galia a Civita Vecchia di le soe al principe di Salerno, vadi a incontrar il re di Spagna vien a Napoli. *Item*, di le zente d' arme è aviate avanti, guidate dal vescovo di Pazi, et vanno per Santo Archanzolo vicino a Rimano. *Item*, il papa à publichà la descommunication e guerra contra Bologna, e missier Zuan Bentivoy. *Item*, l' orator, per esser indisposto, restò a Urbim. Vien col papa il duca di Urbin et il marehexe di Mantoa; à homeni d' arme , cavali lizieri , et fanti *Item*, si ave uno aviso, che mandavano a Cesena e Ymola a preparar vin dolze e eastegne per dimorar; et che era stà fato uno edito, per il papa, che soto pena di la forecha niun fazi alcun danno su le terre di la Signoria nostra.

Di sier Gabriel Moro, orator, date a Mar-seja, a dì 17 septembro. Come è capitato li per fortuna, con la nave, venendo di Spagna; et in mar si scoperse una falla a la nave, pur fo remedià; *etiam* fuogo in nave per la quantità di femene e puti; et il re *etiam* è zonto li con le galie, il resto di l' armata smarita *etc.*; et scrive il viazo l' horo, come dirò *diffuse* di soto.

Fo leto certe lettere, cazadi li papalista, di grandissima importantia, non so la materia, ma fo sagramentà il pregadi; et stetenò fin horre 3 di note im pregadi.

A dì 2 ditto. La matina intrò sier Zorzi Emo, savio di terra ferma; et fo cazadi di colegio li do savij ai ordeni, nominati di sopra, Barbarigo e Pexaro, per non aver la etade.

Da poi disnar fo pregadi. Fo lettere di Udene, come il provedador Gradenigo non steva ben, nè si poteva exercitar; e lui scrive, insieme col luogo tenente, questo.

Fu posto, elezer *de præsenti*, con pena, in suo loco, uno provedador in la Patria di Friul, e vadi via subito; et fo electo sier Zuan Diedo, fo provedador in Dalmatia, *quondam* sier Alvixe; il scurtinio è di soto.

Fu posto, per li savij, avendo refudà sier Bortolo Contarini, baylo a Constantinopoli, che si elezi *de præsenti* uno altro. Sier Antonio Trun, consier, messe de indusiar; e si vengi a questo consejo tutto il colegio con le so opinion, o ver di mandar baylo, o ver orator, o ver secretario, o soprastar di mandar baylo, e andò in renga; li rispose sier Hironimo Capello, savio a terra ferma. Andò le parte, il Trun ave 17, il resto di savij; et fu preso di far, e fu fato, sier Piero Zen, *quondam* sier Catarin, el cavalier; il scurtinio è di soto.

Fu posto, ateno che 'l vien in questa terra do oratori dil serenissimo re di romani, per andar dal papa, *videlicet* il reverendissimo cardinal di Braxenon, et l' episcopo treverense, elector di l' imperio, che il serenissimo principe li vadi contra, con il bu-cintoro, et si fazi 5 paraschelmi, e li sia fato le spexe di la cena per la prima sera, et poi il colegio habi libertà di farli presenti im più volte per ducati 100, e siali dato le barche; fu presa. Fo ordinato prepararli a San Zorzi per il cardinal, perchè eussi vuol lui, et a San Cassan per lo episcopo treverense, in la caxa di sier Piero Morexini, a la riva di le legne.

In questa matina fono expediti do capi, di 50 fan- 201 ti l' uno, di questa terra, fati per li capi di X, a Rimano, *videlicet* Michiel Zaneho et Damian da Cataro, et ozi partino.

A dì 3 septembro, sabato. L' orator dil soldam, acompagnato da patricij, *videlicet* li savij ai ordeni e altri, vene a la Signoria ad aver l' audientia seereta. El qual expose, come di soto noterò il sumario; et parlò italian col doxe. È da saper, fo menato a doana a veder il piper di cotimo; fo dati tre auditori per il colegio a voce electi, sier Piero Balbi, consier da basso, sier Alvise da Molin, savio dil consejo, et sier Alvixe Arimondo, governador di l' intrade, stato consolo in Alexandria.

Ancora vene l' orator di Franza in colegio, e comunicò zercha le zente dil re, che Roan l' à date al papa *etc.*; stete assai.

Da poi disnar fo consejo di X semplice. Feno do cassieri per 6 mesi l' uno, sier Zacaria Dolfin, sier Zacharia Contarini, cavalier, et feno le zonte *juxta* il consueto.

Scurtinio dil provedador in la Patria di Friul, electo im pregadi, a dì 2 octubrio.

181

Sier Francesco Zigogna, fo di pregadi, <i>quondam</i> sier Marco,	38
Sier Vicenzo Valier, è di pregadi, <i>quondam</i> sier Piero,	71
Sier Zustignan Morexini, fo provedador in campo, <i>quondam</i> sier Marcho,	72
Sier Hironimo Baffo, è ai X savij <i>quondam</i> sier Maffo,	31
Sier Hironimo Contarini, fo provedador in armada, <i>quondam</i> sier Francesco,	77
Sier Francesco Contarini, <i>quondam</i> sier Luca,	17
Sier Andrea Loredan, fo cao dil consejo di X, <i>quondam</i> sier Nicolò,	57